

四庫全書

史部

欽定四庫全書

至元嘉禾志卷五

元 徐碩 撰

浦淑

松江府

顧會浦在府西北七十里

考證案宋慶厯重開顧會浦記直縣西北走七十里越青龍鎮浦曰顧會南通漕渠北達松江因斡

山之陽地形中阜松江潮至半道輒回筭山之旁
沙塗壅積故自慶歷辛巳紹興乙巳乾道乙酉一
再開通未幾輒淤滯紹興乙丑因浚塘又於北門
築兩堤依舊基為閘以時啟閉復於浦之東闢治
行道橋梁四十六以通東鄉之渟浸

盤龍浦在府東北四十五里

考證自府東北達於舊江以其委蛇曲折如龍之
盤得名續吳郡圖經有盤龍滙者介於華亭崑山

之間步其徑纔十許里而迴穴紆緩逾四十里江
流為之阻遏盛夏大雨則泛濫淪稼穡壞屋廬殆
無寧歲自宋乾興以來屢經䟽決未得其要范文
正公守平江嘗經度之未遑興作寶元元年太史
葉清臣按漕本路遂建議濬為新集道直流速其
患遂沮

崧子浦在府東北五十里

考證按舊圖經崧子浦在東北五十里崧子塘在

北一十五里分而為二者蓋北一十五里崧子浦之口東北五十里者下注於舊江口宋慶歷開顧會浦記以為嵩塘蓋此浦與顧會浦同流而異派皆瀉水於松江

大盈浦在西北七十里

考證南接澱山湖自白鶴匯以達松江浦濶三十餘丈宋慶歷開顧會浦記論華亭浦淑五而大盈居其一王介甫詩云徒嗟大盈北浩浩無春秋即

此詩也

趙屯浦在府西八十里

考證南接澱山湖北達於松江北浦濶五十餘丈
即王可交遇仙處

內勛浦在府西七十里

直浦在府西北七十五里

南澥浦在府西北六十八里

梁紇浦在府西北八十里

艾初浦在府東北六十五里

華潮浦在府東北六十五里

郭巷浦在府東北六十五里

小來浦在府東北三十五里

新涇浦在府東北八十里

上澳浦在府東北八十里

西蘆浦在府東北八十五里

大蘆浦在府東北八十五里

上海浦在府東北九十里

南滄浦在府東北一百里

下沙浦在府東九十里

考證宋紹興乙丑通判曹泳開

海鹽縣

澉浦在縣南四十五里

考證水經云谷水於縣出為澉浦以通巨海元熙元年有毛人三人集於縣蓋泛於風也今番舶皆

輻湊焉

橫浦在縣東二里濶一十二丈

考證東北通故邑西通賁湖南入海

石亭浦在縣東北八十里

考證通華亭東一十五里入海

蘆瀝浦在縣東北七十里

考證宋元祐八年本路提刑羅適開地中得古尼

寺碑移置松江白牛寺

乍浦在縣東北三十五里

藍田浦一名魯公浦在縣南長一十八里

考證浦有藍田廟宋咸平六年知縣魯肅簡公宗道重開有利於農因名橋為思魯橋其浦為魯公浦面濶一丈七尺紹興三年縣令李直養重濬又自藍田廟開浦一十八里至鮑郎鹽場以便監運以灌農田

溪潭

松江府

白龍潭在府西北三里

考證世傳有龍蟠伏於中歲旱嘗禱雨焉

嘉興縣

韭溪在縣南八里

考證寰宇記載虞仲翔川瀆記云太湖東通長洲
松江水南通烏程霅溪水西通義興荆溪水北通
晉陵隔湖水東通嘉興韭溪水凡五通謂之五湖

故嘉興有韭溪焉

穆河溪在縣西北三里

考證此水接上谷湖入太湖

白龍潭在縣西南五里

考證景德禪院前以白龍穴於此故行舟飄溺居人作塔埋舍利以鎮之後遂無害今寺之伽藍神乃順德龍王也宋淳熙改元秋大旱知縣李時習知龍潭在此遂以太平廣記載南中攬龍事請於

知州張元成而張又驗之蘇文忠公徐州起伏龍
行穎濱先生邢山潭詩聽之不疑隨車霧霈歲果
豐稔李作記鐫之石攬龍之法無他以長繩繫虎
頭骨投有龍處且既得雨偶取虎頭稍遲雷電繞
於郡治聽訟之所移時不止張速遣人取旋即晴
霽今婺州圖經亦載攬龍之事則此法果不誣矣

海鹽縣

秦溪在縣南三十六里

考證溪通豐山港接運河法喜寺有碑鐫秦溪二
字

龍湫在縣東北四十里

考證陳山之巔有水極澄清洞見鬚髮大旱不涸
大水不溢縣有水旱令躬至靈湫請水至縣廳禱
祈無不感應宋紹興間六月縣令李直養祈雨得
小龍子歸既得雨送小龍連四龍子歸靈湫徑入
石罅四龍子亦不見

陂塘

松江府

沈注塘在府西五里

考證南接運河北接大盈浦蓋自樵李城下水流
東北則此塘所以瀉上流之水也往時歲旱浚之
還澣漲則亦可以引松江之水以資灌溉

古浦塘在府西

考證行二十七里以達於泖歲旱亦可引三泖之

水以資灌溉

鹽鐵塘在府東南長三十里

考證世傳吳越王於此運鹽鐵因以為名

舊瀚海塘在府東南

考證西南抵海鹽界東北抵松江長一百五十里

杜浦塘在府東八十里

嘉興縣

廣濟陂在縣南八里南北三十五丈東西一里一百步

運河塘在縣西南九十里通崇德縣三十里北接吳江
縣界

漢塘在縣東一十五里

考證新唐書地理志海鹽注云西北六十里有漢
塘太和七年開然此塘自海鹽西北直通嘉興故
總為漢塘

華亭塘在縣東一十五里

考證通松江府華亭縣故名

橫塘一名海鹽塘在縣南五里

考證自南湖轉路馬塘廟而上南至海鹽縣謂之橫塘故劉文房詩云家住橫塘曲是也

章戀塘在縣東北七十里東通長泖

長水塘在縣南六里通硤石市

考證吳錄地理曰吳王時此地本名長水故嘉興亦曰長水又始皇東遊至長水聞土人謠曰水市出天子從此過見人乘舟交易應其謠遂改為由

奉縣

冬瓜湖塘一名宋郭湖塘在縣北三里

海鹽縣

貯水陂在縣東南五十里

官塘在縣西二里半

考證自天寧寺橋至常豐閘計三十三里二百七十四步宋淳熙九年守臣趙善悉重濬

招寶塘在縣西南二十五里

考證宋淳化三年開淳熙九年守臣趙善悉重濬
烏坵塘在縣西

陶涇塘在縣西

考證二塘並宋淳熙九年守臣趙善悉重濬

太平塘舊名捍海塘在縣東二里

考證西南至鹽官縣界東北接華亭縣界防海水
漲溢故名捍海塘聖朝至元甲申縣尹顧泳重修
改今名立扁於上

橫塘在縣北四十里

考證即常豐閘北通南湖許見嘉興縣橫塘注

漢塘在縣西北六十里

考證唐太和七年開接嘉興縣界

崇德縣

范蠡塢

考證舊經云塢水陂也在顧村范蠡曾遊於此因

名旁有洗足灘

運河塘在縣東南接鹽官縣界北接嘉興縣界

河港
浜灣附

松江府

運港在府東

西運港在府東

沸井浜在滬瀆

考證東西有蘆浦中間一水相通有數尺許特深
如井然水騰涌晝夜不息或云海眼也嘗有戲浴

於中者二三尺以下其氣稍溫

嘉興縣

運河在縣西南通崇德縣北接吳江界

考證隋大業六年勅開江南河自京口至餘杭八
百里面濶一十餘丈擬通龍舟樂天詩云平湖七
百里沃壤兩三洲謂此水也

支河

考證舊經云父老謂支家掘河因名

日河在縣北二里

死亭灣在縣北

考證寰宇記云朱買臣妻初見夫貧棄夫改嫁杉
青堰吏買臣為內史衣錦還鄉其妻羞死於此故
號死亭灣

海鹽縣

清通港在縣西五十里

涇溝

松江府

馱涇

黃姑涇

張戀涇

老兒涇

何家涇

善涇

張涇

徐家涇

邵家涇

新開涇

招賢涇

管家涇

戚家涇

了义涇

吴塔涇

蔣家涇

嘉興縣

車溝在縣西七十三里二百步濶六丈深四丈

考證連接烏程縣入震澤

海鹽縣

古涇

考證三百一所唐長慶中縣令李鰲開通小舟

崇德縣

語兒中涇一名語溪自縣東五十里達嘉興南谷湖
考證禦兒之名尚矣左傳國語吳越春秋等書皆
然史記中獨年表字作禦逮西漢則易為語而年
表又作御後人疑之附會其說水經載萬善歷曰
吳黃武六年正月獲彭綺是歲由拳西鄉有產兒
便能語因詔為語兒鄉殆枝辭也宋元豐中樂圃
朱長文續吳郡圖經又舉俚俗之言曰范蠡獻西
子於吳道中生子至此而能語既辨其妄併以語

字為訛然朱亦未之思也班孟堅諸君子豈徇俗以言者竊意漢人以其名言之匪順類曾子回車之嫌故取其音相近者易之耳若或禦或御亦此意也今俗多稱語兒溪

長營涇自縣西一十五里達德清及烏程縣界

堰閘

松江府

運港大堰濶三十丈深三丈六尺厚二十一丈九尺

馱 涇堰濶一十五丈深三丈五尺

黃姑涇堰濶五丈深一丈五尺

張戀涇堰濶一十二丈深三丈

老兒涇堰濶二丈深一丈

何家涇堰濶一十一丈五尺深二丈

吳涇堰濶九丈深二丈六尺

張涇堰濶三丈深一丈

徐家涇堰濶九丈深一丈八尺

邵家涇堰濶九丈深一丈八尺

新開涇堰濶九丈深一丈八尺

招賢涇堰濶一十一丈深二丈八尺

管家涇堰濶三丈深一丈四尺

戚家涇堰濶六丈深二丈五尺

了义涇堰濶五丈深二丈二尺

吳塔涇堰濶一十丈三尺深二丈六尺

蔣家涇堰濶七丈五尺深一丈六尺

考證舊有堰一十八所宋政和中興修水利盡決諸堰而巨海鹹河竟入為害於是東南四鄉民流徙乾道七年守臣太博丘公密以新涇塘潮勢湍急運港距新涇二十里水勢稍緩議移新涇堰入運港遂募夫經始於九月二十六日畢上於十二月二十七日堰成併築堰外港一十六所港之兩旁塘岸四十七里二百八十五丈有奇明年正月二十一日上遣監察御史蕭之敏相視又捐四鄉

民租九年以招復流民又明年正月遣中使宣諭
守臣張元成增築二月特置監堰官一員招土軍
五十又置司顧亭林巡邏以防鹽運私發諸堰之
患自是三州之田始得免鹹潮之害矣

竹岡堰在府東六十里

砂岡堰在府南七十里

張涇閘在府東南四十八里

考證宋隆興甲申八月本路漕臣姜詵奏請於張

涇堰增庫為高築月河置閘其上甃巨石兩址相距常有四尺深一有八板板尺有一寸以時啟閉故鹹潮無自而入月河之長二千三百五十有闕六尺許克昌為之記

鹹塘岸

考證運港東塘岸自運港堰至徐浦塘計二十四里一十七丈西塘岸自運港堰至柘湖二十三里

嘉興縣

杉青堰在縣北四里

冬瓜湖堰在縣北三里

考證舊堰官張祐死後時裴洪慶命其子領之張祐之子守冬瓜此事詳見於金華子雜記

柵堰在縣西北三里

六里堰在縣東五里

白苧堰在縣東南三里

學秀堰在縣西南九里

考證舊傳西施學繡於此故名學繡今為學秀訛也姑兩存之

馬塘堰在縣南七里廣四丈高二丈五尺長七十步考證舊經云秦始皇三十七年東巡至此改長水鄉為由拳鄉過水為堰以厭水市之謠其隄既立斬馬祭之而去九域志同

杉青堰在縣北四里

海鹽縣

張泥菴

新朱涇

錢涇堰

周大堰

許家堰

徐涇堰

落滙堰

朱莊堰

右隸開濟鄉

干涇堰

錢家堰

丁滙堰

朱涇堰

練浦堰

洵涇堰

白塔堰

孔家堰

右隸永寧鄉

徐涇堰

鐵城堰

黃泥堰

高峯堰

大王堰

小華家堰

大華家堰

東吳市堰

西吳市堰

右隸長水鄉

北橫涇堰

彭村湖堰

楞巷堰

馬家堰

滕家廟堰

倪家堰

龐家堰

楊家堰

衛港堰

六里堰

三里堰

孫家堰

湯家堰

右隸德政鄉

十八里堰

白馬堰

李家堰

孫堰

沈駝堰

孫三堰

馬廐堰

右隸武原鄉

土山堰

小山涇堰

鍾磬堰

湖口堰

小黃泥堰

代烽堰

清水墓堰

李塔堰

沈墓堰

東裴塔堰

西裴塔堰

立沈堰

馬塚堰

楊濟堰

東閘堰

墓烽堰

右隸齊景鄉

西閘堰

祇園堰

俞家堰

大芒塘堰

麥塔堰

西黃泥堰

朱洞堰

楊蕩堰

俞家堰

夏角堰

姚星堰

翁莊堰

沈福莊堰

志公堰

大孫堰

右隸華亭鄉

戴堰

馮奧堰

錢家堰

許洞堰

月河堰


右隸大易鄉

常豐閘在縣北四十里閘口濶一丈二尺兩塊各高一

丈六尺五寸

考證海鹽海奠其東水無源流獨藉官塘一帶以灌十鄉之農田十日不雨車戽之聲一動則其涸可立而待而又下通太湖松江水傾注而去猶居高屋之上建瓴水也是以堰閘之設視他邑尤為急務自宋嘉祐元年縣令李維幾植木為閘及置鄉底堰三十餘所後亦漸廢元祐四年河清源公執中為令恐閘之木不可久遂易以石淳熙九年

守臣趙善悉興修水利增築鄉底堰共八十一所
每歲二月築堰九月開通淳熙十五年縣令李直
養重蓋閘屋易閘板自是農被閘堰之利頻歲得
稔後間廢



至元嘉禾志卷五

欽定四庫全書

史部

至元嘉禾志卷六至十一

詳校官編修臣曹振鏞

檢討臣德生覆勘

總校官降調編修臣倉聖脉

校對官編修臣盧遂

騰錄監生臣朱腹松

欽定四庫全書

至元嘉禾志卷六

元 徐碩 撰

戶口

嘉興路總計四十五萬九千三百七十七戶

儒一千八十八戶

僧四千二百二十八戶

尼三百三十四戶

道一百五十一戶

民四十五萬三千四百二十九戶

急遞鋪一百四十三戶

錄事司六千五百八十戶

儒四百八十三戶

僧四百三十四戶

尼五十二戶

道一百八戶

民五千五百四戶

松江府二十三萬四千四百七十戶

儒一百九十二戶

僧一千三百七十二戶

尼七十戶

道一十二戶

民二十三萬二千八百二十三戶

此至元十三年報省民數也中更兵難戶

口減半今實管僅一十二萬餘戶而已

嘉興縣一十二萬七百二十三戶

儒一百五十戶

僧九百九十一戶

道一十六戶

急遞鋪八十五戶

民一十一萬九千四百八十戶

海鹽縣四萬二千二百五戶

儒一百五十三戶

僧五百三十戶

尼四十九戶

道一十戶

民四萬一千四百六十三戶

崇德縣五萬五千四百戶

儒一百一十戶

僧九百一十戶

尼一百六十六戶

道六戶

急遞鋪五十八戶

民五萬四千一百五十九戶

考證按三朝國史戶凡五萬一千八百六十三按
九域志主戶凡一十三萬九千一百三十七客戶
無舊經則云主戶四萬九千八百五十九主丁九
萬八千三百九十五舊圖則云戶一十六萬三千

四百一十五口三十萬二千八百八十五今民數
已蕃息矣茲非生聚涵育之明效與

物產

穀之品

稻

稔

糯

黍

粟

麥

麻

豆

稭

稗

油麻

帛之品

絲

綿

絹

綾

羅

紗

木棉

剋絲

紬

綿

綺繡

已上多出崇德

綌

海鹽者佳

布

松江者佳

貨之品

鹽

出松江海鹽

藥之品

枸杞

蛇床

瓜蒌

牽牛

菊花

香附子

菖蒲

瞿麥

薄荷

薏苡

車前子

紫蘇

海鹽者佳

天南星

麥門冬

忍冬藤

荆芥

松江者佳

半夏

草烏

澤蘭

良薑

茴香

艾

夏枯草

火炊草

茺香

葛

菓之品

桃

李

梅

杏

橘

橙

柚

棗

柿

梨

枇杷

林檎

石橘

蓮

藕

菱

芡

芋

荸薺

茨菇

山藥

葡萄

甜瓜

菜之品

菘

芥

葱

韭

薤

蒜

薺

芹

苜蓿

蒿

生菜

甜菜

苦蕒

萵苣

蘆菔

波凌

葫蘆

冬瓜

稍瓜

茭白

茄

筍

胡蘿蔔

木之品

松

柏

檜

杉

楊

柳

榆

桃

椿

樸

棟

桑

楮

冬青

草之品

茆

芡

蒲

荻

葦

蘆葭

竹之品

淡

笙

紫

筋

篴

桃枝

筍竹

禽之品

鷄

鵝

鴨

鴻

鴈

鸛

燕

雀

鴿

烏

鵲

鳩

鶉

鷗

鷺

鷹

鷄

雉鷄

野鳧

黃雀

鳩

啄木

鴝

獸之品

牛

羊

豬

犬

貓

魚之品

鰕

鯽

鯉

白

鮎

鱸

鱖

鯖

鯪

鯽

鱖

鰻

蟹

蝦

龜

鼈

銀魚

黃頰

蚌

蜆

鯪此以下出海
鹽松江路

勒

鯨

石首

海鱸

海鯊

鯉

蛤

梅魚

蝸蚌

蚶蜆

蠓

青蝦

白蝦

黃蝦

白蜆

水母

白蟹

是郡號為澤國原野衍沃田宜麥禾陸宜麻豆他
有資於生民日用者煮水成鹽殖蘆為新地饒蔬
茹水富魚蟹而已至若草木禽獸果實藥品之類
亦他郡所有絲綿絹帛視茗雪則次之

賦稅

嘉興路

額管

糧六十八萬一千五百五十二石一斗六升六合

一勺

米六十八萬一千三百三十五石八斗六合一

抄七撮

豆一百三十一石六斗九升五合

小麥八十四石六斗六升五合一勺

歲減公田二分

米七萬九千二百六十六石二斗一升六合二勺

四抄

實徵

糧六十萬二千一百八十五石九斗四升九合九

勺四抄七撮

米六十萬二千六十九石五斗八升九合闕勺

四抄七撮

豆一百三十一石六斗九升五合

小麥八十四石六斗六升五合一勺

松江府

額管

糧二十五萬一千九百四十一石七升一合三勺

米三十五萬一千七百四十一石一斗五升五

合

豆一百一十五石二斗五升一合二勺

小麥八十四石六斗六升五合一勺

歲減公田二分

米四萬五千九百二十二石三升一合六勺八抄

實徵

糧三十萬六千一十九石三升九合六勺二抄

米三十萬五千八百一十九石一斗二升三合

三勺三抄

豆一百一十五石一斗五升一合二勺

小麥八十四石六斗六升五合一勺

嘉興縣

額管

糧一十九萬八千七百一十四石八斗六升二合

四勺八抄七撮

公田歲減二分

米二萬六百六十二石二斗七升五合九勺八抄

實徵

米一十七萬八千四十八石五斗八升六合五勺

七撮

海鹽縣

額管

糧八萬一千六百七石八斗三升五合八勺

米八萬一千五百九十一石三斗九升二合

豆一十六石四斗四升三合八勺

公田歲減二分

米七千四百一石四斗一升三合五勺四抄

實徵

糧七萬四千二百六石四斗二升二合二勺六抄

米七萬四千一百八十九石九斗七升八合四

勺六抄

豆一十六石四斗四升三合八勺

崇德縣

額管

糧四萬九千二百八十八石四斗四合七勺

公田歲減二分

米五千二百七十六石四斗九升五合四抄

實徵

米四萬四千一十一石九斗九合六勺六抄

征權

嘉興路

歲辦總計一萬五千四百七十七定壹兩九錢一分

四釐

酒課一萬一千二百五十八定三十五兩

醋課四百九十五定三十二兩四錢

稅課三千四百八十六定一兩六錢

河泊課二百三十六定二十三兩四錢一分四釐

本路在城辦三千四百二十定三十八兩六錢六分

酒司

酒課二千二百六十定

醋課二百五十二定

稅司

稅課九百二定三十八兩六錢六分

河泊課六定

松江府辦五千四百四十三定二十三兩四錢九分四

釐

酒司

酒課一千九百一十定一十三兩

醋課一百八十定

稅司

稅課五百九十七定三十六兩四錢八分

河泊課六定九兩六錢

大盈務

酒課六百一十八定一十八兩

稅課八十五定二十六兩九錢二分

河泊課二十三定二十二兩三錢八分

南橋務

酒課一百四定二十二兩

稅課五十一定三十四兩五錢六分

河泊課二定四十六兩四錢

北橋務

酒課一百九十一定四十八兩

稅課三十四定四十六兩三錢六分

亭林務

酒課一百四十三定一兩四忽

稅課二十四定一十三兩三錢五分

河泊課二十四定四十六兩四錢

青龍務

酒課七十八定

稅課二十五定一十八兩二分

河泊課一定八兩八錢二分四釐

蟠龍務

酒課三百三十五定三十二兩

稅課二十五定四十七兩五錢六分

河泊課五定二十七兩二錢

上海務

酒課四百七十二定四兩

稅課一百七十九定二十五兩七錢四分

河泊課六定三十四兩八錢

風涇三鄉

酒課三百二十四定九錢九分九釐九毫九絲九

忽

嘉興縣辦三千四十七定一十七兩四分六釐

風涇白牛務

酒課七百一十八定二十六兩

稅課二百八十二定二十一兩八錢五分四釐

河泊課五十六定一十六兩三錢

魏塘務

酒課七百六十七定一十七兩

稅課一百二十二定一十二兩五錢八分

河泊課一十一定二兩

新城務

酒課五百一十六定二兩

稅課四十五定三十四兩九錢三分

河泊課一十一定八兩

陶莊務

酒課四百三十三定四十八兩

稅課六十五定三十兩七錢二分二釐

河泊課一十六定四十六兩七錢

海鹽縣辦一千六百二十一一定三兩二錢二分

在城務

酒課一百八十定四十兩

醋課二十八定四十兩

稅課一百六定二十二兩二錢四分

河泊課一十八定一十六兩八錢

澉浦務

酒課五百六十八定四十四兩

稅課三百一十六定一十兩

河泊課二十一定三十四兩八錢

當湖務

酒課一百三定二十六兩

稅課三十五定一十一兩五錢四分

河泊課八定二兩

廣陳務

酒課一百三定三十六兩

稅課三十二定九兩四錢八分

河泊課五定四十一兩六錢

乍浦務

酒課六十九定一十六兩

稅課二十二定一十二兩七錢六分

崇德縣辦一千九百四十四定一十九兩四錢九分

在城務

酒課二百四十八定三十兩

醋課三十四定四十二兩四錢

稅課三百八十二定四十八兩四錢三分

河泊課一十九定三十八兩三錢五分

石門青鎮務

酒課八百三十五定三十一兩九錢六分

稅課一百定一十五兩六錢七分六釐

河泊課三十三兩三錢六分

沙渚務

酒課二百七十四定四十九兩四分

稅課四十六定二十二兩二錢七分四釐

至元嘉禾志卷六

欽定四庫全書

至元嘉禾志卷七

元 徐碩 撰

學校

廟以崇先聖學以明人倫郡邑廟學大備於唐中廢於五代宋慶歷中始議州縣皆立學崇寧間著為令此州縣學廢興之由也唐元和間衡州李寬於石鼓創書院南唐昇元中白鹿洞建學館宋太祖朝潭守

朱洞首於嶽麓創書院真宗朝又於應天府創書院
號天下四書院此書院創置之由也是邦俗素尚儒
斯文至今不墜而州縣學書院咸備焉

嘉興路

路學舊在望雲門內之西偏宋建炎中因更兵火移於
州治之東偏即故學館以為之規模湫隘紹興壬
戌二月丁亥詔諸路守臣興學如故事知州方滋
於通越門內二百步立學裒陽張嶧為之記嘉定

十三年守臣鄭定復以興學為先務殿宇堂廡廩
倉垣墉營創繕修華奐皆踰於昔又闢地於西築
六齋其上寶祐丁巳守臣恕齋謝堂闢大門於廟
西偏䟽鑿橫池增建泮橋創明德堂於西改觀頤
堂於東咸淳丙寅守臣星渚趙景緯重建小學於
廟之東生徒額三十日課四書月試舉子業長陞
太學懼無以養或置或撥得米一百九十餘石令
學職專掌之丙子兵火廟學幸僅存亦非舊時規模

聖朝至元丙戌四明陳紹在分教是邦里人徐碩
副之相與謀曰學久廢盍撤而新之於是有請於
郡侯嘉其志聞於省許以學廩葺其廢陳紹在
徐碩又樽浮損薄俸以佐之學有御書閣將壓而
復整今改名尊經閣之上以貯竹籍閣之下則奉
安先聖燕居像兩旁則祠十先生焉濂溪 康節
伊川 晦菴 明道
南軒 上蔡 東萊 學前有一井創亭其上因以
育德名蓋取蒙泉育德之義歲久亭幾廢而井亦

堦矣悉從而修浚之垣墉塗墍為之一新舊有八
齋曰上達立道思誠體仁教睦連茹輔德朋來教
睦本以教宗屬也已改為正誼矣連茹乃學優而
仕之事非學者所宜先因倣紫陽先生諭職事諸
生養心之說為據月有書季有考朔望三八有講
講堂名正禮舊矣蓋取荀子師者所以正禮之義
宣公書院在今錄事司之東宣公唐相陸贄也嘉興人
論諫數百一本仁義城南鴛鴦湖之上舊有三賢

堂三賢公居其一也宋郡侯黃大卿始為立祠趙公與憲嘗撥田土欲建書堂而未遂景定壬戌郡侯謝奕燾始構堂繼廩焉落成郡侯率諸生祭菜於宣公曰吾聞聖賢之道率五百歲而後行由唐至於今亦五百餘歲矣始克立堂以祠公豈非時乎時至矣道其行矣夫其後復遭兵火祠宇頽壞聖朝至元丙子邦人士以堂燬白於郡遂以太初堂為書院里人徐碩職教於此畢力經營而兩廡

從祀十哲像貌悉皆完美堂曰仁義之堂紫微史
大參為之書宣公書院之扁亦紫微筆也齋四曰
時習敏求思齊景行皆存舊名至元甲申以小學
為闕典請於郡侯增置一齋曰蒙正以教鄉人之
少俊者

松江府

府學在府治東南二百步宋開禧間有夫子廟而已湫
隘卑陋旁不可為齋館後六十有五年陳侯謚始

欲興學邑人衛公佐公望獻縣之東南地且自度
殿材為買國子監書以資諸生如是數年至今劉
鵬始克就緒紹興以來楊壽亨同楹待其銓相繼

修闕

而學舍始整好學廩視他處為厚講堂舊

名進德令楊潛改明倫齋五曰居仁由義隆禮育
才養性端平丙申縣令楊瑾以學廟卑隘闕地舊

址之南鼎而新之廟堂廊廡齋舍庖闕

一具備堂改明善齋併為四曰

體仁集義志道進德施退翁又改創齋廬作東西序中置泳仁亭今亭不存矣後有觀頤堂舊屬縣學今以陞府因為府學焉

燕居書院在今府學教授廳之左即舊縣學基而為之
今仍舊

嘉興縣

縣學在縣西南三里按舊經縣有夫子廟在縣西北一百步後廢附於州學縣學址更為郡社壇宋咸淳

五年八月縣令張材以縣無學為闕典有請於邦
侯本心文先生以西城舊驛舍為縣學邦侯出帑
佐費大尹高墅潛先生聞之喜又撥緡為助殿宇
齋序門廡庖舍悉整脩令又捐圭租畝百漕郡且
相繼撥田為繼粟地邑民士復爭以田租來助而
學始成矣堂名明倫堂齋二曰省身尚志今仍舊

海鹽縣

縣學在縣東南百步按舊志文宣王廟舊在縣東二百

步宋太平興國中主簿攝縣事召知一建景德二
年縣令翁緯以舊廟逼農田移就縣南重建真祐
八年縣令褚程以先聖舊廟久弗葺願易其地增
置學校遂立學於縣東南程自撰記言之詳矣紹
興十五年朝廷興太學州縣學復修舉縣令徐光
實一新之堂曰務本齋四曰處仁好義復禮近智
乾道二年縣令劉銓遷學於縣之南是歲疫歎僅
立宣聖廟及講堂明年縣令魏汝功始蓋廊廡庖

福周備易講堂曰傳道李大下繼之繪七十二賢
於東西壁增學糧試補諸生淳熙十五年邑丞李
直養裒衆力一新廊廡紹熙元年李自丞遷令以
月得餐錢修大成殿及重裝宣聖十哲像立小學
置書籍祭服復修堂名為務本四齋皆用舊名後
扁其堂曰明倫年久寢壞殿宇廊廡盡成頽垣迨
聖朝至元乙酉始令學掾鳩傭慮材凝土度木自
采芹橋至殿閣廊序悉葺而新之今垣墉塗墍亦

苟完矣

崇德縣

縣學在縣東南一里半宋元豐八年令吳伯舉始創縣學為諸邑先沈括存中為之記朱芾元章為之序學在縣南運河之西岸毀於方臘令黃揚移建縣之東南隅規粗立而未備其後令之賢者相繼增廣堂曰成德亭曰采芹齋二曰致道育德堂東西

序列四先生

闕

有亭曰魁星令奚士達建歲久摧圯尚
書陳塏捐緡錢重創令黃元直撥田衍學廩而士
有養矣今仍舊

傳貽書院在縣學之西二十步宋潛菴輔先生廣紫陽
門人也自祠官歸隱語溪題讀書堂曰傳貽咸淳
五年闕令家之柄建就扁今名堂一曰木文齋二
曰書味師傳朱文公亦祠焉

科舉

嘉興素號多士冠廷對者有人應制舉者有人登甲科者亦有人以科舉得人視他郡為最三歲大比則羣試於貢院貢院在今北門衆安橋之西宋宣和五年罷三舍法每科舉取八名南渡後有流寓七十五名解一名紹興丙子皆歸土著則解十名矣端平元年守臣趙與篋以是邦為孝宗虹流之地援紹興例有請於朝增解額為十三名著為定制理宗篤昭祖烈復覃恩霈請及紀者永免聯請者

不以年第進士者陞一甲特奏名亦陞等咸淳三
襍郡侯鄭肖孫為之記學舊有貢士莊經始於無
隋趙端明迄成於菊陂趙都運而退菴吳大參又
撥沒官田為之助凡貢士之上春官者分送各有
差所以佐桂玉之費也今科舉之法廢而貢院亦
壞矣貢士莊僅存

廨舍

嘉興路

總管府衙在於城內舊府治也譙樓外有舊宣詔班春

二亭東西嚮

鎮守萬戶府衙在郡治東二十步舊府判東廳也

經歷司在郡治廳西偏

司獄司在郡治南五十步舊司理院也

錄事司在郡治西北二百步舊監倉東廳也

管軍鎮府所在郡治西南三十步舊節推廳也

松江府

府衙在普照寺東舊華亭縣衙也有宣詔班春二亭東

西嚮

鎮守萬戶府衙在府治東舊思齊堂也

浙江鹽提舉司在府治西南一里半舊買納鹽場也

嘉興縣

縣衙舊縣治也在郡治東北二百步

華亭縣

縣衙在松江府西七十步舊簿廳也

海鹽縣

縣衙在縣城隍廟北三十步有舊宣詔班春二亭東西
嚮

崇德縣

縣衙在天清宮東北五十步舊縣治也有舊宣詔班春
二亭東西嚮

院務局附

嘉興路

安養院

廣惠院

都稅務

都酒務

織染局

造作局

漆作局

松江府

在城酒務

在城稅務

安養院

大盈務

南橋務

北橋務

青龍務

蟠龍務

亭林務

上海務

嘉興縣

風涇白牛務

魏塘務

新城務

陶莊務

海鹽縣

在城務

澈浦務

當湖務

廣陳務

乍浦務

崇德縣

在城務

石門青鎮務

沙渚務

倉庫

錄事司

嘉興倉

外三倉

平准庫

軍資庫

松江府

在城際留倉

上海太平倉

永豐庫

海鹽縣

際留倉

崇德縣

縣倉

徼巡

嘉興縣巡檢司六處

新坊

陶莊

魏塘

風涇白牛

新城

王江涇

華亭縣巡檢司七處

金山

戚滌

杜浦

澱山湖

青龍

上海

鄒城

海鹽縣巡檢司三處

故邑

蘆瀝

澈浦

崇德縣巡檢司三處

皂林

石門

安丘

官驛

馬驛

計馬九十疋馬戶八百三十戶

嘉禾驛馬五十疋馬戶四百四十八戶

錄事司馬二疋馬戶一十九戶

松江府馬三十二疋馬戶二百八十戶

嘉興府馬一十六疋馬戶一百四十九戶

崇德縣馬四十疋馬戶三百八十二戶

嘉興縣馬四疋馬戶四十戶

海鹽縣馬二十四疋馬戶二百二十八戶

崇德縣馬一十二疋馬戶一百一十四戶

水驛

船八十隻船戶七百六十戶

西水驛船三十隻船戶三百戶

松江府驛船一十隻船戶八十戶

風涇驛船五隻船戶四十戶

上海驛船五隻船戶四十戶

皂林驛船三十隻船戶三百戶

至元嘉禾志卷七

欽定四庫全書

至元嘉禾志卷八

元 徐碩 撰

郵置

松江府急遞鋪一十四處

西塘七鋪

風涇鋪東接泥滑橋鋪二十二里

泥滑橋鋪東接朱涇鋪九里

朱涇鋪東接九里菴鋪九里

九里菴鋪東接李塔滙鋪九里

李塔滙鋪東接吉陽滙鋪九里

吉陽滙鋪東接松江府前鋪一十五里

松江府前鋪東接張涇鋪一十八里

東塘七鋪

張涇鋪東接蟠龍鋪一十五里

蟠龍鋪東接新墳鋪一十七里

新墳鋪東接錢墳鋪一十七里

錢墳鋪東接龍華鋪一十八里

龍華鋪東接淡井鋪九里

淡井鋪東接上海鋪

上海鋪係瀕海去處別無相接遞鋪

嘉興縣急遞鋪一十七處

東塘六鋪

馬橋鋪東接半墩鋪九里

半整鋪東接下匯鋪九里

下匯鋪東接高橋鋪九里

高橋鋪東接魏塘鋪九里

魏塘鋪東接張涇匯鋪一十二里

張涇匯鋪東接松江府風涇鋪九里

西塘五鋪

通越門鋪西接趙家鋪一十里

趙家鋪西接深葉鋪一十里

深葉鋪西接馬涇鋪一十里

馬涇鋪西接楊梗涇鋪一十里

楊梗涇鋪西接崇德縣官窪鋪十里

南塘三鋪

高家灣鋪南接許漣涇鋪一十五里

許漣涇鋪南接濟川鋪一十五里

濟川鋪南接海鹽縣莫涇鋪一十五里

北塘三鋪

施家舍鋪北接秋茂鋪一十里

秋茂鋪北接界首鋪一十里

北界首鋪北接平江路吳江縣界鋪一十里

海鹽縣急遞鋪九處

莫涇鋪南接錢塾鋪十五里東南接澈浦苟城鋪十

五里

錢塾鋪南接天仙湖鋪一十八里

天仙湖鋪南至本縣一十二里瀕海去處併無相接

遞鋪

苟城鋪係去澉浦鎮路南接蔣整鋪六里

蔣整鋪南接相村鋪六里

相村鋪南接孫老橋鋪六里

孫老橋鋪南接大橋鋪六里

大橋鋪南接石灰橋鋪六里

石灰橋鋪南接澉浦鎮市六里瀕海去處別無相接

遞鋪

崇德縣急遞鋪六處

官窰鋪西接皂林鋪九里

皂林鋪西接錢店鋪九里

錢店鋪西接石門鋪九里

石門鋪西接羔羊鋪九里

羔羊鋪西接縣北鋪九里

縣北鋪西接杭州路鹽官縣長安鎮七里鎮鋪九里

橋梁

錄事司

贊福橋在春波門西一百步

慶豐橋舊名五柳橋在春波門西一里

豬兒橋在春波門西北一里

蟹行橋在春波門西南半里

南縣橋在春波門西半里

薦橋在春波門西北半里

倪家橋在春波門西南一百步

湖橋在春波門西北一里

望湖橋在春波門西北一里

安祿橋在春波門西北一里半

羅家橋在春波門西北一里半

北營橋在春波門西北一里半

大悲橋在通越門北五十步

萬安橋在通越門東北一百步今廢

廣平橋在通越門東北一里

寺橋在通越門東北一里半

車欄橋在通越門東北一里半

紅橋在通越門東北一里一百步

過軍橋在通越門東一百步

福順橋在通越門東北半里

韭綯橋在通越門東北一里

長生老人橋在通越門東北二百步

興福橋在通越門東北一里二百步

顧市橋在通越門東北一里半

蔣家橋在澄海門東北二百步

婁家橋在澄海門西北二百步

石灰橋在澄海門內

蓮花橋在澄海門北半里

營橋在澄海門北一百里

三板橋在澄海門北一里五十步

斜橋在澄海門東北一里五十步

紙行橋在澄海門東北一里

醋坊橋在澄海門北二百步

埤橋在澄海門西北一里

楊公橋在澄海門西北一里五十步

毛家橋一名熙寧橋在澄海門東北一里

府橋在府南一十步舊為縣橋

市橋在府三十步

舊米倉橋在府東二百二十五步

震橋在府東二百三十五步

考證其上飛宇翼然俗呼為東亭橋又名虹橋宋政和間邑宰姚舜明謂主位頗虛作亭以鎮之

郭門橋在府東二百三十步

廣明橋在府西二十步

望雲橋在府西七十步

大吳橋在府西北二百二十步

妙明橋在府西北二百五十八步

西亭橋在府西市二百八十步

考證飛閣於上今名麗津橋

普照寺橋在府西二百八十步

悅安橋在府西四百八十步

考證橋側鐫一佛字稍大俗呼佛字橋

方橋在府西五百九十步

平政橋在府西六百二十步

長壽橋在府西七百五十步

太平橋在府西南五百四十步

合掌橋在府西南四百一十步

德風橋在府西南四百七十步

瑁湖橋在府西南五百步

考證在陸瑁養魚池西南隅即今之西湖

沙家橋在府西南四百步

丁行橋在府西南二百七十步

三橋在府西南二百九十步

鳳皇橋在府西南二百九十步

新橋在府南二百八十步

迎仙橋在府東南四百步

考證邑人舊有沈學諭仙訪之而不識後悔無及
遂捐資造道堂建橋梁而命名焉

米市橋在府東南三百三十八步

莊老橋在府東南二百五十步

居士橋在府西北三百五十步

東榮橋在府東七百二十五步

張塔橋在府東八百一十步

考證初係姓張人造有小塔於旁故名張塔今廢
不存而橋亦崩廢架木以涉

烏盆橋在澄海門東北一里半

蔡十郎橋在澄海門西北一里三十步

屐鞋橋在澄海門北一里半

史家橋在澄海門北二百步

丁家橋在澄海門東北一里半

范蠡湖在澄海門內

南石橋在澄海門北二百步

炒麩橋在澄海門西北一百五十步

張公橋在澄海門東北一百步

時家橋在澄海門北二百五十步

竹絲橋在澄海門北一里

端平橋在澄海門北一里

衆安橋在望吳門南二十步

孩兒橋在望吳門南一百步

香花橋在望吳門南半里

丁家橋在望吳門東南半里

胭脂橋在望吳門西南一里

采蓮橋在望吳門西南一百步

船塢橋在望吳門東南一里

通觀橋在望吳門西南一里

水纂橋在望吳門南一里

鍾家橋在望吳門西南一里

倉橋在望吳門西南里半

菩薩橋在望吳門南二百步

集家橋在望吳門南二百步

陸家橋在望吳門西南一里

北寺橋在望吳門東南三十步

孫師娘橋在望吳門西南一里半

朱鋤頭橋在望吳門西南一里

時順橋在望吳門西南一里

府後橋在府後

瑞虹橋在府治前

藕行橋在府治西北二十步

燕舖橋在府治西南三十步

望恩橋在府治西南三十步

驛橋在府治西北二十步

邵溲橋 關

戴公橋 關

廣濟橋 關

松江府

明星橋在府東一千一百一十步

永安橋在府西北三百七十步

淨土橋在府東南四百一十步

通利橋在府東北五里

考證俗名俞塘橋以下四橋在府之外

安就橋在府西三里

考證跨古浦塘俗呼跨塘橋

通濟橋在府西南四十八里

考證跨古泖謂之泖橋長六百尺廣一丈

鳳皇橋在府西北二十七里

考證此橋跨顧會浦西接鳳凰山之尾因以為

名

古鳴鶴橋在府東北岡身

考證吳越武肅王錢氏造華嚴院於此今呼為北

板橋

中亭橋在望雲橋西

嘉興縣

宣公橋在縣東一里

馬橋在縣東一里半

吳涇橋在縣東七里

吾家橋在縣東八里

潘家橋在縣東八里

里仁橋在縣東八里

余家橋在縣東六里

榮福橋在縣東七里

常豐橋在縣東九里

西麗橋在縣西南二里

浮橋在縣西二里

潦波橋在縣南四里

米市橋在縣南三里

吳老橋在縣南三里

楊家橋在縣南三里

澄海橋在縣南二里

北麗橋在縣北二里

端平橋在縣北三里

百步橋在縣北五里

金橋在縣北一十八里

富莊橋在縣北二十八里

黃土橋在縣北四里

百星橋在縣北一十里

海鹽縣

惠人橋在縣西一十步

考證宋紹熙間縣令李直養重建舊名浮藻

思魯橋在縣西南三十步

黃橋在縣西南一里

孝悌橋在縣西北一里

悅禮橋在縣西二百五十步

興廉橋在縣西一百五十步

遷善橋在縣西一百五十步

迎澤橋在縣西二里半

通海橋在縣西二十五步

駟車橋在縣西南一里

還珠橋在縣東六十步

慶豐橋在縣前一十步

安仁橋在縣西一里半

崇寧橋在縣東北六十步

崇德縣

萬歲橋在縣東南一百三十步

考證跨運河俗呼南橋

永安橋在縣東北二百步

考證跨運河俗呼北橋

觀風亭橋在縣南一百二十步後改為望京橋

登仙橋俗呼縣南橋在縣西南五十步

廣濟橋在崇福寺前

語溪橋在縣南東岸三百步

義禾亭橋在縣北東岸三百步

包角堰橋在縣南一里

通濟橋在縣東南二里

端平橋在縣西二百步

西成橋在縣西一里

至元嘉禾志卷八

欽定四庫全書

至元嘉禾志卷九

元 徐碩 撰

樓閣

錄事司

璇星樓在郡治內東偏

近民樓在郡治西舊西通判廳於城上

熙春樓在郡治地五十步今為驛

月波樓在郡治西北二里城上下瞰金魚池

考證宋元祐甲午知州令狐挺立又一甲午知州毛滂修樓成置酒其上乃為之記云望而見月其大不過如盤盂然無有遠近容光必照而秀澤國也水濱之人起居飲食與水波接令狐君乃為此樓之名月波意將攬取二者于一樓之上也建炎兵火廢圮乾道己丑知州李孟堅重修未及落成李解綬去知州徐葺踵成之規模湫隘不及舊日

遠矣

風月無邊樓在於城上東偏舊名披雲

葵嚮閣在郡治東舊東通判廳

海鹽縣

熙熙臺在縣圃之東

考證舊名月樓李直養易是名

崇德縣

春風樓在縣東南三十步

考證宋知縣奚士達以觀風亭改建歷五十餘年
梁柱朽腐欲歷知縣黃元直重修樓下瀕河之室
以備士夫艤舟易地之地傍街設朱欄以為公家
揭示之所

堂館

錄事司

禾興堂在郡治內

浩然堂在郡圃內西北

考證取沈存中浩然詩意米芾書扁并記

渙堂在郡圃內東北

修齋堂在郡治內舊名同穎宋守俞浙改是

敬信節愛之堂在郡治公廳後

考證舊名清香堂宋守俞浙改是名

平易堂在舊通判廳之東

坐嘯堂在郡圃西偏

同宣堂在舊府判東廳

志隱堂在郡府判西廳今為織造局

順觀堂在郡府判西廳今為織造局

環聚亭在郡圃內

最宜亭在郡圃內

留春亭在郡圃內

玄翫亭在於城上

翠涼亭在郡圃內風月無邊樓下

水香亭在郡圃瞰荷花池

嘯鶴亭在舊東府判廳

碧漪亭在舊西府判廳

雪香亭在舊西府判廳

杯水亭在舊西府判廳

敬簡齋在舊東府判廳

秀遠齋在郡治內舊名三几

換衣亭在大慶觀東三十步今為軍鋪

鏡香亭在慈恩寺南二十步今為營

松江府

招鶴亭在府治東偏

琴堂在府治西偏

考證舊名盡心堂莫詳建立年月宋政和間姚舜明為邑撫摩其民無所不盡其敬嘗以元豐元符斷獄之制書而揭之獄乾道八年令程明始移置堂之中榜曰盡心蓋取吾夫子所謂刑者例也例者成也一成而不可變故君子盡心焉之意且自

為之記其後葉仲英始改曰琴堂樓鑰書

亦足堂在舊造船塲

考證宋乾道間孫紹遠創并記

思堂在舊丞廳

考證宋章棨建東坡記今廢

嘉興縣

三過堂在本覺寺

考證宋蘇東坡與文長老游三過於此第三詩有

曰三過門中老病死一彈指頃去來今因名其堂
僧北礪為之記

海鹽縣

遺愛堂在縣治

考證至元戊寅縣尹王澤丘扁

景魯堂在縣治之東

考證宋紹興辛未縣令祝閔建以秦師坦曾肄業
於縣宇名曰將覺紹興丙子縣令林仰易曰相隱

縣令李直養以縣治已有相隱齋到官方大旱一
禱而雨重修名喜雨後易為景魯

雙槎堂在縣治

考證邑侯史彌迴立扁

含暉堂在金粟山廣惠院

秦溪館

考證宋紹興元年縣令陳祖永修縣令李直養名

亭宇

齋屋附

錄事司

來月亭在郡治內舊府判東廳

考證舊名花月宋倅張子野創此亭取雲破月來
花弄影之句

垂芳亭在郡圃內

玉明亭在郡圃內

觀德亭在郡圃內

考證舊名射弓亭蓋取射以觀德之義

平遠亭在郡圃內子城上

荷屋在郡圃內

靜照堂一名寂照堂在招提寺

考證名公有詩見嘉禾百詠

松江府

芳蘭堂府治之中堂也

考證宋政和中縣令姚舜明為之記

思齊堂在府治之東

考證舊曰弦歌堂宋元祐庚午縣令彭城劉鵬新
其堂後改思齊今為萬戶府

東堂在府治之東偏

考證舊曰三山堂亭下有三山在水中朱之純有
三山亭詩即此也其後有改曰貽牟者宋紹興中
陳祖安為令溫大著革為易是名溫有東堂詩鳴
琴拂榻此遊行作詩何止誇釐牟即此堂也今為
水坵考證舊曰艮閣朱之純有詩曰書閣峩然冠

羣巒更瞻良地特嶺岼今曰招鶴未詳改易年月

見遠亭在府西三里超果寺

名公有詩

海鹽縣

深樾亭在縣圃

考證依樾木作茅亭下瞰清池縣令李直養取韓

文公詩守縣坐深樾為名

崇德縣

義和亭在縣治

光華亭在縣南一百步

水流亭在縣北二百步

至元嘉禾志卷九